

REGLUGERÐ FRAMKVÆMDASTJÓRNARINNAR (ESB) 2015/1005

2016/EES/44/23

frá 25. júní 2015

um breytingu á reglugerð (EB) nr. 1881/2006 að því er varðar hámarksgildi fyrir blý í tilteknum matvælum (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum ⁽¹⁾, einkum 3. mgr. 2. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (EB) nr. 1881/2006 ⁽²⁾ voru fastsett hámarksgildi fyrir tiltekin aðskotaefni í matvælum.
- 2) Sérfræðinganefnd Matvælaöryggisstofnunar Evrópu (hér á eftir nefnd Matvælaöryggisstofnunin) um aðskotaefni í matvælaferlinu (hér á eftir nefnd sérfræðinganefndin) samþykkti álit 18. mars 2010 ⁽³⁾ um blý í matvælum. Sérfræðinganefndin tilgreindi taugaeiturhrif á þroskun hjá smábörnum og áhrif á hjarta- og æðakerfi og taugaeiturhrif hjá fullorðnum sem hugsanleg, mikilvæg skaðleg áhrif af völdum blýs sem unnt er að byggja áhættumatið á. Hún tilgreindi enn fremur að verndun barna og kvenna á barneignaraldri gegn hugsanlegri áhættu á taugaþroskunarfræðilegum áhrifum nægi til að vernda alla þjóðfélagsþópa gegn öðrum skaðlegum áhrifum af völdum blýs. Því er rétt að draga úr fæðutengdum váhrifum af völdum blýs í matvælum með því að lækka gildandi hámarksgildi og fastsetja viðbótarhámarksgildi fyrir blý í viðkomandi verslunarvörum.
- 3) Hámarksgildi eru nú þegar fyrir hendi fyrir ungbarnablöndur og stoðblöndur. Í því skyni að tryggja enn frekar að haldið verði áfram að minnka fæðutengd váhrif á ungbörn og smábörn ætti að lækka gildandi hámarksgildi og fastsetja ný hámarksgildi fyrir unnin matvæli með korn sem uppistöðu og barnamat fyrir ungbörn og smábörn, matvæli sem eru notuð í sérstökum, læknisfræðilegum tilgangi fyrir ungbörn og smábörn og drykki sem þessi viðkvæmi neytendahópur neytir í miklum mæli.
- 4) Ný gögn um tilvik sýna að nokkrar af gildandi undanþágum frá sjálfgefnum hámarksgildum eru ekki lengur nauðsynlegar vegna þess að hægt er að fylgja sjálfgefnum hámarksgildum með því að fylgja góðum starfsvenjum eða vegna þess að unnt er að ná lægri hámarksgildum. Þess vegna eru sérstök hámarksgildi ekki lengur nauðsynleg fyrir kál, annað en blaðkál, fersk belgaldin, flest ber og smá aldin en lækka ætti gildandi hámarksgildi fyrir smokka, flest aldingrænmeti, flesta aldinsafa, vín og kryddvín.
- 5) Að því er varðar hafursrætur er erfitt að fara að gildandi hámarksgildum. Vegna þess að neysla á þessari verslunarvöru er lítil og áhrif á váhrif á menn eru óveruleg þykir rétt að hækka hámarksgildi fyrir blý fyrir hafursrætur.
- 6) Afbrigðilegar niðurstöður um mikið magn af blýi í hunangi hafa leitt til framfylgdaraðgerða aðildarríkjanna við mismunandi blýgildi. Mismunandi reglur, sem aðildarríkin hafa samþykkt, geta hindrað starfsemi sameiginlega markaðarins og því ætti að fastsetja samræmt hámarksgildi fyrir blý í hunangi.
- 7) Þar eð neysla á tei og jurtatei getur stuðlað að umtalsverðum fæðutengdum váhrifum ætti að fastsetja hámarksgildi fyrir þessar verslunarvörur. Þar eð gögn um þurrkuð telauf og þurra hluta af öðrum plöntum til tilreiðslu á jurtatei, sem gera það kleift að fastsetja slíkt hámarksgildi, eru ekki fyrir hendi ætti þó að safna gögnum um tilvik með það fyrir augum að fastsetja hugsanlega sérstakt hámarksgildi í framtíðinni.
- 8) Löggið er varðar unnin matvæli með korn sem uppistöðu, barnamat fyrir ungbörn og smábörn og sérfæði sem er notað í sérstökum læknisfræðilegum tilgangi hefur verið skipt út og því er nauðsynlegt að breyta tilteknum neðanmálsgreinum.

(*) Þessi ESB-gerð birtist í Stjtið. ESB L 161, 26.6.2015, bls. 9. Hennar var getið í ákvörðun sameiginlegu EES-nefndarinnar nr. 111/2016 frá 3. júní 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. EB L 37, 13.2.1993, bls. 1.

⁽²⁾ Reglugerð framkvæmdastjórnarinnar (EB) nr. 1881/2006 frá 19. desember 2006 um hámarksgildi fyrir tiltekin aðskotaefni í matvælum (Stjtið. ESB L 364, 20.12.2006, bls. 5).

⁽³⁾ Vísindalegt álit sérfræðinganefndar Matvælaöryggisstofnunar Evrópu um aðskotaefni í matvælaferlinu (CONTAM) um blý í matvælum (Scientific Opinion on Lead in Food). *Tíðindi Matvælaöryggisstofnunar Evrópu* 2010 8(4), 1570.

- 9) Aðildarríki og stjórnendur matvælafyrirtækja ættu að fá tíma til að aðlagast nýju hámarksgildunum sem eru fastsett með þessari reglugerð. Af þeim sökum ætti að fresta gildistökudegi hámarksgilda fyrir blý.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Viðaukanum við reglugerð (EB) nr. 1881/2006 er breytt í samræmi við viðaukann við þessa reglugerð.

2. gr.

Hámarksgildi fyrir blý, sem sett eru fram í viðaukanum við reglugerð (EB) nr. 1881/2006, eins og henni var breytt með þessari reglugerð, skulu gilda frá 1. janúar 2016. Matvæli sem ekki eru í samræmi við þessi hámarksgildi, sem eru sett á markað á löglegan hátt fyrir 1. janúar 2016, má áfram setja á markað eftir þann dag til síðasta dags lágmarksgeymsluþols þeirra eða til síðasta notkunardags.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júní 2015.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Viðaukanum við reglugerð (EB) nr. 1881/2006 er breytt sem hér segir:

1) Í stað undirliðar 3.1 (blý) komi eftirfarandi:

„3.1	Blý	
3.1.1	Hrámjólk ⁽⁶⁾ , hitameðhöndluð mjólk og mjólk til framleiðslu á afurðum, að stofni til úr mjólk	0,020
3.1.2	Ungbarnablöndur og stoðblöndur	
	sett á markað í duftformi ⁽⁸⁾ ⁽²⁹⁾	0,050
	sett á markað í fljótandi formi ⁽⁸⁾ ⁽²⁹⁾	0,010
3.1.3	Unnin matvæli með korn sem uppistöðu og barnamatur fyrir ungbörn og smábörn ⁽³⁾ ⁽²⁹⁾ önnur en í lið 3.1.5	0,050
3.1.4	Matvæli sem eru notuð í sérstökum, læknisfræðilegum tilgangi ⁽⁹⁾ sem eru sérstaklega ætluð ungbörnum og smábörnum	
	sett á markað í duftformi ⁽²⁹⁾	0,050
	sett á markað í fljótandi formi ⁽²⁹⁾	0,010
3.1.5	Drykkir fyrir ungbörn og smábörn, merktir og seldir sem slíkir, aðrir en þeir sem getið er í liðum 3.1.2 og 3.1.4	
	settir á markað í fljótandi formi eða sem á að endurgera með því að bæta vatni í þá samkvæmt leiðbeiningum framleiðandans, þ.m.t. aldinsafar ⁽⁴⁾	0,030
	sem á að tilreiða með því að laga seyði eða með seyðingu ⁽²⁹⁾	1,50
3.1.6	Kjöt (að undanskildum sláturmat) af nautgripum, sauðfé, svínun og alifuglum ⁽⁶⁾	0,10
3.1.7	Sláturmat af nautgripum, sauðfé, svínun og alifuglum ⁽⁶⁾	0,50
3.1.8	Fiskhold ⁽²⁴⁾ ⁽²⁵⁾	0,30
3.1.9	Smokkar ⁽⁵²⁾	0,30
3.1.10	Krabbadýr ⁽²⁶⁾ ⁽⁴⁴⁾	0,50
3.1.11	Samlokur ⁽²⁶⁾	1,50
3.1.12	Kornvörur og belgjurtir	0,20
3.1.13	Grænmeti, að undanskildu blaðkáli, hafursrótum, blaðgrænmeti & ferskum kryddjurtum, sveppum, þangi og þara og aldingrænmeti ⁽²⁷⁾ ⁽⁵³⁾	0,10
3.1.14	Blaðkál, hafursrætur, blaðgrænmeti að undanskildum ferskum kryddjurtum og eftirfarandi sveppum: <i>Agaricus bisporus</i> (ætisveppur), <i>Pleurotus ostreatus</i> (ostruvængur), <i>Lentinula edodes</i> (tókasveppur) ⁽²⁷⁾	0,30
3.1.15	Aldingrænmeti	

	sykurmaís ⁽²⁷⁾	0,10
	annað en sykurmaís ⁽²⁷⁾	0,05
3.1.16	Aldin, að undanskildum trönuberjum, rifsberjum og sólberjum, ylliberjum og aldinum jarðarberjatrés ⁽²⁷⁾	0,10
3.1.17	Trönuber, rifsber og sólber, ylliber og aldin jarðarberjatrés ⁽²⁷⁾	0,20
3.1.18	Fita og olíur, þ.m.t. mjólkurfita	0,10
3.1.19	Aldinsafar, þykktir aldinsafar sem búið er að endurgera með því að bæta vatni í þá og ávaxtanektar	
	einungis úr berjum og öðrum smáum aldinum ⁽¹⁴⁾	0,05
	úr aldinum, öðrum en berjum og öðrum smáum aldinum ⁽¹⁴⁾	0,03
3.1.20	Vín, (þ.m.t. freyðivín, að undanskildu líkjörvíni), eplavín, peruvín og ávaxtavín ⁽¹¹⁾	
	Afurðir sem eru framleiddar úr ávaxtauppskeru ársins 2001 til ávaxtauppskeru ársins 2015	0,20
	Afurðir sem eru framleiddar frá og með ávaxtauppskeru ársins 2016	0,15
3.1.21	Kryddvín, drykkir, að stofni til úr kryddvíni og hanastél, blönduð með kryddvíni ⁽¹³⁾	
	Afurðir sem eru framleiddar úr ávaxtauppskeru ársins 2001 til ávaxtauppskeru ársins 2015	0,20
	Afurðir sem eru framleiddar frá og með ávaxtauppskeru ársins 2016	0,15
3.1.22	Fæðubótarefni ⁽³⁹⁾	3,0
3.1.23	Hunang	0,10 ^{cc}

2) Í stað neðanmálgreinar 3 komi eftirfarandi neðanmálgrein:

„⁽³⁾ Matvæli í þessum flokki eins og skilgreint er í reglugerð Evrópuþingsins og ráðsins (ESB) nr. 609/2013 frá 12. júní 2013 um matvæli sem eru ætluð ungbörnum og smábörnum, matvæli sem eru notuð í sérstökum lækisfræðilegum tilgangi og þyngdarstjórnunarfæði í stað alls annars fæðis og um niðurfellingu á tilskipun ráðsins 92/52/EBE, tilskipunum framkvæmdastjórnarinnar 96/8/EB, 1999/21/EB, 2006/125/EB og 2006/141/EB, tilskipun Evrópuþingsins og ráðsins 2009/39/EB og reglugerðum framkvæmdastjórnarinnar (EB) nr. 41/2009 og (EB) nr. 953/2009 (Stjtið. ESB L 181, 29.6.2013, bls. 35).“

3) Neðanmálgreinar 8 og 9 falli brott. Í stað tilvísana í neðanmálgreinar 8 og 9 komi tilvísun í neðanmálgrein 3.

4) Í stað neðanmálgreinar 11 komi eftirfarandi neðanmálgrein:

„⁽¹⁾ Vín og freyðivín eins og skilgreint er í reglugerð Evrópuþingsins og ráðsins (ESB) nr. 1308/2013 frá 17. desember 2013 um sameiginlegt markaðskerfi fyrir landbúnaðarafurðir og um niðurfellingu á reglugerðum ráðsins (EBE) nr. 922/72, (EBE) nr. 234/79, (EB) nr. 1037/2001 og (EB) nr. 1234/2007 (Stjtið. ESB L 347, 20.12.2013, bls. 671).“

- 5) Í stað neðanmálgreinar 13 komi eftirfarandi neðanmálgrein:
- „⁽¹³⁾ Matvæli í þessum flokki eins og skilgreint er í reglugerð Evrópuþingsins og ráðsins (ESB) nr. 251/2014 frá 26. febrúar 2014 um skilgreiningu, lýsingu, kynningu, merkingu og vernd landfræðilegra merkinga á kryddblönduðum vínaferðum og niðurfellingu á reglugerð ráðsins (EBE) nr. 1601/91 (Stjtið. ESB L 84, 20.3.2014, bls. 14).
- Hámarksgildi okratoxíns A sem á við um þessa drykki er háð hlutfalli vins og/eða þrúgumusts sem finnst í fullunninni afurð.“
- 6) Í stað neðanmálgreinar 16 komi eftirfarandi neðanmálgrein:
- „⁽¹⁶⁾ Ungbörn og smábörn eins og skilgreint er í reglugerð Evrópuþingsins og ráðsins (ESB) nr. 609/2013 frá 12. júní 2013 um matvæli sem eru ætluð ungbörnum og smábörnum, matvæli sem eru notuð í sérstökum læknisfræðilegum tilgangi og þyngdarstjórnunarfæði í stað alls annars fæðis og um niðurfellingu á tilskipun ráðsins 92/52/EBE, tilskipunum framkvæmdastjórnarinnar 96/8/EB, 1999/21/EB, 2006/125/EB og 2006/141/EB, tilskipun Evrópuþingsins og ráðsins 2009/39/EB og reglugerðum framkvæmdastjórnarinnar (EB) nr. 41/2009 og (EB) nr. 953/2009 (Stjtið. ESB L 181, 29.6.2013, bls. 35).“
- 7) Neðanmálgrein 28 falli brott.
- 8) Í stað neðanmálgreinar 44 komi eftirfarandi neðanmálgrein:
- „⁽⁴⁴⁾ Kjöt af vöðvum af útlimum og afturból. Þessi skilgreining nær ekki yfir höfuðból krabbadýra. Ef um er að ræða krabba og krabbadýr sem líkjast kröbbum (stutthali (*Brachyura*) og krabbar af ættinni *Anomura*): kjöt af vöðvum af útlimum.“
- 9) Eftirfarandi neðanmálgreinar 52 og 53 bætast við:
- „⁽⁵²⁾ Hámarksgildi á við um dýr eins og það er selt án innyfla.
- ⁽⁵³⁾ Að því er varðar kartöflur eiga hámarksgildin við um afhýddar kartöflur.“
-

REGLUGERÐ FRAMKVÆMDASTJÓRNARINNAR (ESB) 2015/1006

2016/EES/44/24

frá 25. júní 2015

um breytingu á reglugerð (EB) nr. 1881/2006 að því er varðar hámarksgildi fyrir ólífrænt arsen í matvælum (*)

FRAMKVÆMDASTJORN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum ⁽¹⁾, einkum 3. mgr. 2. gr.,*og að teknu tilliti til eftirfarandi:*

- 1) Með reglugerð framkvæmdastjórnarinnar (EB) nr. 1881/2006 ⁽²⁾ voru fastsett hámarksgildi fyrir tiltekin aðskotaefni í matvælum.
- 2) Sérfræðinganefnd Matvælaöryggisstofnunar Evrópu (hér á eftir nefnd Matvælaöryggisstofnunin) um aðskotaefni í matvælaferlinu (hér á eftir nefnd sérfræðinganefndin) samþykkti álit 12. október 2009 um arsen í matvælum ⁽³⁾. Sérfræðinganefndin komst að þeirri niðurstöðu í þessu álit að bráðabirgðagildi fyrir þolanlega, vikulega inntöku (PTWI), sem sameiginleg sérfræðinganefnd Matvæla- og landbúnaðarstofnunar Sameinuðu þjóðanna og Alþjóðaheilbrigðismálastofnunarinnar um aukefni í matvælum setti og nemur 15 µg/kg líkamsþyngdar, eigi ekki lengur við þar eð gögn hafa sýnt að ólífrænt arsen veldur krabbameini í lungum og þvagblöðru sem og húðkrabbameini og að tilkynnt hafi verið um ýmis skaðleg áhrif við lægri váhrifagildi en fyrrgreind sameiginleg sérfræðinganefnd skoðaði.
- 3) Sérfræðinganefndin tilgreindi nokkur gildi viðmiðunarskammta við neðri öryggismörk (BMDL₀₁) á bilinu 0,3 til 8 µg/kg líkamsþyngdar á dag að því er varðar lungna-, húð- og þvagblöðrukraffamein ásamt vefjaskemmdum í húð. Í vísindaálitinu var komist að þeirri niðurstöðu að áætluð fæðutengd váhrif vegna ólífræns arsens fyrir meðal- og stórneytendur í Evrópu væru innan styrkbilsins fyrir tilgreindu BMDL₀₁-gildin og því væri lítið eða ekkert svigrúm er kemur að váhrifamörkum og ekki er hægt að útiloka hugsanlega áhættu fyrir suma neytendur.
- 4) Í vísindaálitinu voru tilgreindir stórneytendur hrísgrjóna í Evrópu, s.s. tilteknir þjóðernishópar, og börn yngri en þriggja ára sem þeir hópar sem helst verða fyrir fæðutengdum váhrifum vegna ólífræns arsens. Fæðutengd váhrif vegna ólífræns arsens fyrir börn yngri en þriggja ára, þ.m.t. af völdum matvæla með hrísgrjón sem uppistöðu, eru almennt talin vera um tvisvar til þrisvar sinnum meiri en fyrir fullorðna.
- 5) Þar eð greining á ólífrænu arseni er áreiðanleg að því er varðar hrísgrjón og matvæli með hrísgrjón sem uppistöðu ætti að setja hámarksgildi fyrir ólífrænt arsen í hrísgrjónum og matvælum með hrísgrjón sem uppistöðu. Leggja ætti til aðgreind hámarksgildi með tilliti til arseninnihalds.
- 6) Vísindalegar upplýsingar um þörfina á sértæku hámarksgildi fyrir forsoðin, slípuð hrísgrjón eru mjög nýlegar. Því ætti aðildarríkin að safna viðbótargögnum fyrir 1. janúar 2018 um innihald ólífræns arsens í þessari verslunarvöru til að staðfesta þörfina á sértæku hámarksgildi fyrir þessa verslunarvöru og endurmeta hámarksgildið.
- 7) Gögn um tilvik sýna að hrísgrjónakökur, hrísgrjónaþynnur, hrísgrjónakex og mjúkar hrísgrjónakökur geta innihaldið mikið magn af ólífrænu arseni og þessar verslunarvörur geta átt mikinn þátt í fæðutengdum váhrifum fyrir ungbörn og smábörn. Því ætti að setja sértækt hámarksgildi fyrir þessar verslunarvörur.
- 8) Hrísgrjón eru mikilvægt innihaldsefni í ýmiss konar matvælum fyrir ungbörn og smábörn. Því ætti að setja sértækt hámarksgildi fyrir þessa verslunarvöru þegar hún er notuð sem innihaldsefni til framleiðslu á slíkum matvælum.

(*) Þessi ESB-gerð birtist í Stjtið. ESB L 161, 26.6.2015, bls. 14. Hendar var getið í ákvörðun sameiginlegu EES-nefndarinnar nr. 111/2016 frá 3. júní 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. EB L 37, 13.2.1993, bls. 1.

(2) Reglugerð framkvæmdastjórnarinnar (EB) nr. 1881/2006 frá 19. desember 2006 um hámarksgildi fyrir tiltekin aðskotaefni í matvælum (Stjtið. ESB L 364, 20.12.2006, bls. 5).

(3) „Scientific Opinion on Arsenic in Food“. Tíðindi Matvælaöryggisstofnunar Evrópu 2009 7(10), 1351.

- 9) Aðildarríki og stjórnendur matvælaframleiðinga ættu að fá tíma til að aðlagast nýju hámarksgildunum sem eru fastsett með þessari reglugerð. Af þeim sökum ætti að fresta gildistökudegi hámarksgilda fyrir arsen.
- 10) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Viðaukanum við reglugerð (EB) nr. 1881/2006 er breytt í samræmi við viðaukann við þessa reglugerð.

2. gr.

Hámarksgildi fyrir arsen í undirlið 3.5 (Ólífrænt arsen) í viðaukanum við reglugerð (EB) nr. 1881/2006, eins og henni er breytt með þessari reglugerð, skulu gilda frá og með 1. janúar 2016.

Matvæli sem ekki eru í samræmi við þessi hámarksgildi, sem eru sett á markað á löglegan hátt fyrir daginn þegar hámarksgildin taka gildi, má áfram setja á markað eftir þann dag til síðasta dags lágmarksgeymsluþols þeirra eða til síðasta notkunardags.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júní 2015.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Viðaukanum við reglugerð (EB) nr. 1881/2006 er breytt sem hér segir:

- 1) Eftirfarandi undirliður bætist við á eftir undirlið 3.4 Ólífrænt tin:

„3.5	Ólífrænt arsen ⁽⁵⁰⁾ ⁽⁵¹⁾	
3.5.1.	Ekki forsoðin, slípuð hrísgrjón (fægð eða hvít hrísgrjón)	0,20
3.5.2.	Forsoðin hrísgrjón og afhýdd hrísgrjón	0,25
3.5.3.	Hrísgrjónakökur, hrísgrjónapynnur, hrísgrjónakex og mjúkar hrísgrjónakökur	0,30
3.5.4.	Hrísgrjón til framleiðslu á matvælum fyrir ungbörn og smábörn ⁽³⁾	0,10 ⁴

- 2) Eftirfarandi neðanmálgreinar 50 og 51 bætast við:

„⁽⁵⁰⁾ Summa As(III) og As(V)

⁽⁵¹⁾ Hrísgrjón, afhýdd hrísgrjón, slípuð hrísgrjón og forsoðin hrísgrjón eins og þau eru skilgreind í Codex-staðli 198-1995.“